

**'Saya kini lebih popular daripada Siti Nurhaliza' - Muhyiddin
Astro Awani
Ogos 17, 2015**

PONTIAN: Walaupun sudah tidak bergelar Timbalan Perdana Menteri atau menjawat sebarang jawatan dalam Kabinet, Tan Sri Muhyiddin Yassin mengakui kini mendapat sokongan yang lebih banyak daripada rakyat.

Malah beliau secara berseloroh menyifatkan tahap popularitinya lebih tinggi berbanding penyanyi nombor satu negara, Datuk Siti Nurhaliza Tarudin.

"Orang mahu berselfie (bersama saya). Saya fikir saya lebih popular daripada Siti Nurhaliza.

"Saya tahu ini bukan sentimen orang Melayu (sahaja), orang Cina dan India salam saya dan berkata '*support you*'.

"Tindakan yang saya ambil ini mereka lihat wajar dan munasabah untuk perjuangkan nasib mereka, bukan orang Melayu sahaja tetapi semua kaum dalam negara ini," katanya ketika berucap merasmikan mesyuarat perwakilan UMNO bahagian Pontian, Johor pada Ahad.

© 2015 Astro Awani Network Sdn. Bhd. (535275-D) All Rights Reserved.

Source: <http://www.astroawani.com/berita-malaysia/saya-kini-lebih-popular-daripada-siti-nurhaliza-muhyiddin-70088>